

## GOBIERNO DE NAVARRA

ECONOMÍA, HACIENDA, INDUSTRIA Y EMPLEO

CULTURA, TURISMO Y RELACIONES INSTITUCIONALES

PRESIDENCIA, JUSTICIA E INTERIOR

EDUCACION

DESARROLLO RURAL, MEDIO AMBIENTE, Y ADMINISTRACIÓN LOCAL

SALUD

POLÍTICAS SOCIALES

FOMENTO

SEGURIDAD Y EMERGENCIAS

## Nafarroako Gobernuak Eusko Jaurlaritzarekin Foru Komunitatean ETB hartzeko zuen lankidetzaprotokoloa apurtutzat jo du

*Euskal autonomia erkidegoko telebistaren meteorologia-mapa berriek Foru Komunitatearen errealitate instituzionala ez dutela errespetatzen iritzi du eta 2009an hartutako konpromisoak ez dituela betetzen*

Miércoles, 27 de marzo de 2013

Nafarroako Gobernuak Eusko Jaurlaritzarekin zuen lankidetzakonpromisoa apurtutzat jo du gaur; konpromiso hori euskal autonomia erkidegoko telebista Nafarroan hartzeko izenpetu zen, 2009an bi komunitateen artean [sinatutako](#) lankidetzako protokolo orokorraren barnean.

Iragan asteburutik, Eusko Jaurlaritzaren euskarazko eta gaztelaniako telebista-kanaleek erakusten dituzten meteorologia-mapek Euskal Autonomia Erkidegoa eta Foru Komunitatearen arteko lurralde-batasun bat erakusten dute (lurralde frantsesak ere barnean hartuz), eta Nafarroako Gobernuak egoera hori bi komunitateen errealitate instituzionalaren aurka doala irizten du eta hauteskunde bakoitzean nafarrek aldarrikatzen duten borondate politikoaren aurka jotzen duela.

Nafarroako Gobernuak uste du euskal erakunde publikoaren aldetik egindako aldebakarreko jarduketa horrek 2009ko autonomia arteko akordioa ez duela betetzen. Gogoratu behar da ETB Nafarroan hartzeko konpromisoaren hirugarren klausulak ondorengoa dioela: "ETBren emisio guztietan Nafarroako errealitate politiko, sozial eta instituzionala, ikurrak eta bertako identitatea errespetatuko dira, indarrean dagoen ordenamendu juridikoa betez eta Konstituzio Auzitegiaren 94/1985 Epaia, uztailaren 29koa, betez. Nafarroako Foru Komunitatea Euskal Autonomia Erkidegotik eta bertako lurralde historikoetatik bereizita aurkeztu eta ordeztuko da ETBren profesionalek emandako informazioetan, haien aurkezpenetan eta bertako alderdi grafikoetan".